

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE

**po zahtjevu privrednog subjekta HOLDINA d.o.o. Sarajevo
u vezi obaveze prijave namjere koncentracije**

**Sarajevo
Novembar 2007. godine**



Broj:01-01-26-981-1-I/07
Sarajevo, 22.11.2007. godine

Na osnovu člana 25.stav (1) pod f) Zakona o konkurenciji ("Službeni glasnik BiH" broj 48/05 i 76/07), a na zahtjev privrednog subjekta HOLDINA d.o.o. Sarajevo, Azize Šaćirbegović 4b, 71000 Sarajevo, za davanje mišljenja šta se ima smatrati koncentracijom, koji je zaprimljen pod brojem: 01-01-26-981-I/07, dana 26.10.2007.godine, Konkurencijsko vijeće na 54. (pedesetčetvrti) sjednici održanoj 22.11.2007.godine, daje

MIŠLJENJE

Privredni subjekat HOLDINA d.o.o. Sarajevo, Azize Šaćirbegović 4b, 71000 Sarajevo (u daljem tekstu: HOLDINA) dana 26.10.2007.godine podnio je zahtjev Konkurencijskom vijeću, zaprimljen pod brojem: 01-01-26-981-I/07, za davanje mišljenja da li se smatra koncentracijom u smislu člana 12. stav (1) Zakona o konkurenciji slučaj pripajanja privrednog subjekta INTERINA d.o.o. Sarajevo privrednom subjektu HOLDINA. Po podacima navedenim u Zahtjevu, oba navedena subjekta imaju istog osnivača i u 100% vlasništvu su privrednog subjekta INA-industrija nafte d.d., Avenija Većeslava Holjevca 10, 10000 Zagreb, Republika Hrvatska.

Članom 12. stav (1) Zakona o konkurenciji (u daljem tekstu: Zakon) je propisano da se koncentracijom smatra:

- a) spajanje ili pripajanje nezavisnih privrednih subjekata ili dijelova privrednih subjekata
- b) sticanje kontrole ili preovladavajućeg uticaja jednog odnosno više privrednih subjekata nad drugim odnosno nad više drugih privrednih subjekata ili dijelom drugog privrednog subjekta odnosno dijelovima privrednih subjekata i to:
 - (1) sticanje kupovinom većine dionica ili udjela osnovnog kapitala ili
 - (2) sticanjem većine prava glasa ili,
 - (3) na drugi način u skladu sa odredbama zakona koji regulišu osnivanje privrednih društava koji djeluju kao nezavisni privredni subjekti.

U smislu navedenih odredbi, pod nezavisnim privrednim subjektima smatraju se privredni subjekti koji nisu kontrolisani po bilo kom osnovu od strane trećeg odnosno zajedničkog privrednog subjekta ili više njih. Imajući u vidu dostavljene podatke o vlasničkoj strukturu privrednih subjekata u opisanoj transakciji, iz podnesenog Zahtjeva bi se moglo zaključiti da se navedeni privredni subjekti ne mogu smatrati nezavisnim

privrednim subjektima u smislu člana 2. stav (2) Zakona o konkurenciji, jer su kontrolisani od strane trećeg, odnosno zajedničkog privrednog subjekta i da je riječ samo o promjeni vlasničke strukture unutar iste grupe.

U skladu sa izloženim, privredni subjekat HOLDINA ne bi bio obavezan podnijeti Prijavu namjere koncentracije za predmetnu koncentraciju u smislu člana 16. stav (1) Zakona o konkurenciji.

Ovo mišljenje dato je isključivo na osnovu gore navedenih podataka, koji proizilaze iz Zahtjeva za davanje mišljenja privrednog subjekta HOLDINA, te ukoliko isti odstupaju od stvarnog činjeničnog stanja, moglo bi imati za rezultat davanje drugačijeg mišljenja.

Predsjednik

Sanja Božić